


農

雅



統一書號:16018.20
定 價:0.55 元

農

雅

倪 倬 輯

中 華 書 局

農 雅

倪 倬輯

*

中華書局出版

(北京東總布胡同 57 號)

北京市書刊出版業營業許可證出字第 17 號

商務印書館上海廠印刷 新華書店總經售

*

787×1092 耗 1/32 • 4 1/2 印張 • 80,000 字

1956 年 10 月第 1 版

1956 年 10 月上海第 1 次印刷

印數：1—1,100 定價：(9) 0.55 元

統一書號：16018.20 56.9, 瀝型

農雅序

訓詁之書。始於爾雅。倣其體者。有孔鮒小爾雅。劉熙逸雅。張揖廣雅。陸佃埤雅。所言皆不專主農事。然於節候寒暑。原隰燥濕。銚鋤耰耨。斗斛注之屬。時或散見於諸書。蓋古人著述。雖一名一物之細。必有關於民生之要務。而不肯爲無益之言。否則載籍極博。惟是佃經漁史。以自炫其該洽。譬猶疊文錦於綺席。列珍羞於廣筵。曾不若布帛菽粟之有裨於日用也。青浦倪生倬。余典試江南時所得士也。嘗以所纂農雅。問序於余。其書倣爾雅之體。爲農家之言。樸而彌文。質而不俚。余考漢史藝文志。農九家百一十四篇。隋經籍志。載農家書。凡五部一十九卷。今惟賈思勰齊民要術十卷。尙傳於世。他如汜勝之農書。崔實四民月令之類。全書已軼。而僅附載於他說。若夫唐宋以後。著錄流傳。則有農器圖譜。農桑集要。便民圖纂。農政全書。諸家別土宜。辨物性。備旱澇。議蓄洩。凡除田擊。莫霑體塗足者。流所習其業。而不能筆之於書者。罔不覩縷而剖析之。倪生此書。殆堪接武。惟其學務求爲有用之學。故其言不同於無益之言也。夫四民首列士農。管子有言。野處而不曜其秀。民之能爲士者。必足賴也。今倪生帶經而鋤。藝黍孝養。克知稼穡之艱難。異日自田間來。仰體聖天子重農貴粟。惠養黎元之至意。以敦風俗而勸農桑。卽以是書作圖。圖之獻可也。余故樂從其請。而爲之序。

嘉慶十有八年癸酉仲冬月下泮書於虞山官舍友生何學林頓首拜撰

農雅序

爾雅十九篇。其言闢農事者。於釋詁曰。苞。蕪。豐。茂也。饁。餉也。穡。穫也。於釋言曰。畷。農夫也。絢。絞也。畷。畷。田也。畷。畷。耜也。郝。郝。耕也。繹。繹。生也。穰。穰。苗也。縣。縣。穠也。挂。挂。穫也。栗。栗。眾也。蚤。蚤。浙也。煇。煇。蒸也。於釋器曰。斲。斲。謂之定。斲。謂之鐻。剡。謂之隄。於釋天曰。穀不熟爲饑。蔬不熟爲饑。果不熟爲荒。仍饑爲春。於釋地曰。下濕曰隰。大野曰平。廣平曰原。高平曰陸。可食者曰原田。一歲曰苗。二歲曰新田。三歲曰畚。於釋草曰。黍。稷。眾穠戎菽。謂之荏菹。藿。赤苗。芑。白苗。秬。黑黍。秠。一稂二米。稌。稻。於釋蟲曰。食。苗。心。螟。食。葉。螽。食。節。賊。食。根。蠹。如是而已。他無聞焉。倬。農家者流耳。兒時嬉戲。常在阡陌間。及長。筆耕四方。每當歲暮。言還。從耕。阡野老。後。蜡臘報賽。因是以辨土宜。考稼政。或時與家人婦子。操一杵一臼。脫粟而謀。將母之需者。遽數之。不能終其物矣。爰取經傳及注疏家言。凡未見爾雅。與見而不詳者。彙書之。輒復參以他所見聞。名曰農雅。昔後魏高允對太武曰。臣少也賤。所知惟田。請言農事。時方封禁良田。允之言。蓋以諷也。今倬生聖人之世。以三寸不律爲耒耜。而不至有石田之慮者。豈非幸哉。茲之所輯。庶幾農服先疇之畎畝云爾。然考漢書藝文志。農九家。神農二十篇。野老十七篇。辛氏十七篇。董安國十六篇。尹都尉十四篇。趙氏五篇。汜勝之十八篇。王氏六篇。蔡癸一篇。凡百一十四篇。唐志農家類十九家。二十六部。三百三十五卷。始范子計然。終武后兆人本業。而不著錄者。又有王方慶草木疏以下十一

家六十六卷。及通志藝文略。並有宋之書。農家存十二部四十七卷而已。蓋古作者甚多。而佚者亦不少。況以倬之譚陋。並其所存者而未之卒業耶。其有而不書。書而不實。尙求當世老農。爲樊遲之請。嘉慶柔兆執徐辜月南至後一日倪倬識。

農雅

目錄

釋天第一上占候附.....	一	釋天第一下占候附.....	一九
釋地第二.....	四五	釋人第三.....	六七
釋器第四.....	七五	釋事第五 稼法附.....	九七
釋苗稼第六.....	一二五		

農雅

清倪倬輯

釋天第一上 占候附

立春之日東風解凍又五日蟄蟲始振又五日魚上冰驚蟄之日獺祭魚又五日鴻雁來又五日草木萌動雨水之日桃始華又五日倉庚鳴又五日鷹化為鳩春分之日玄鳥至又五日雷乃發聲又五日始電穀雨之日桐始華又五日田鼠化為鴽又五日虹始見清明之日萍始生又五日鳴鳩拂其羽又五日戴勝降於桑立夏之日螻蟈鳴又五日蚯蚓出又五日王瓜生小滿之日苦菜秀又五日靡草死又五日小暑至芒種之日螳螂生又五日鵙始鳴又五日反舌無聲夏至之日鹿角解又五日蜩始鳴又五日半夏生小暑之日溫風至又五日蟋蟀居壁又五日鷹乃學習大暑之日腐草化為螢又五日土潤溽暑又五日大雨時行立秋之日涼風至又五日白露降又五日寒蟬鳴處暑之日鷹乃祭鳥又五日天地始肅又五日禾乃登白露之日鴻雁來又五日元鳥歸又五日羣鳥養羞秋分之日雷始收聲又五日蟄蟲始培戶又五日水始涸寒露之日鴻雁來賓又五日爵入大水爲蛤又五日菊有黃華霜降之日豺乃祭獸又五日草木黃落又五日蟄蟲咸俯立冬之日水始冰又五日地始凍又五日雉入大水爲蜃小雪之日虹藏不見又五日天氣上騰地氣下降又五日閉塞而成冬大雪之日鶡鴒不鳴又五日虎始交又五日荔挺生冬至之日蚯蚓結又五日麋角解又五日水泉動小寒之日雁北向又

五日鵲始巢。又五日雉始雊。大寒之日。雞始乳。又五日鶯始厲疾。又五日水澤腹堅。逸周書時訓解

案古來紀候之書。始於夏小正。而文字簡略。至時訓解始有七十二候之名。小戴記月令全用其文。然疑時訓解僞書也。月令春三月十八候。東風解凍。蟄蟲始振。魚上冰。獺祭魚。鴻雁來。始雨水。桃始華。倉庚鳴。鷹化為鳩。玄鳥至。雷乃發聲。始電。蟄蟲咸動。桐始華。田鼠化為鴽。虹始見。萍始生。鳴鳩拂其羽。戴勝降於桑。二句一候夏三月十八候。蜩始鳴。蚯蚓出。王瓜生。苦菜秀。靡草死。麥秋至。小暑至。螳螂生。鵙始鳴。反舌無聲。鹿角解。蟬始鳴。半夏生。木莖榮。溫風始至。蟋蟀居壁。鷹乃學習。腐草為螢。秋三月十八候。涼風至。白露降。寒蟬鳴。鷹乃祭鳥。用始行戮。二句一候盲風至。鴻雁來。玄鳥歸。羣鳥養羞。雷始收聲。蟄蟲壞戶。水始涸。鴻雁來賓。爵入大水為蜃。鞠有黃華。豺乃祭獸戮禽。霜始降。草木黃落。蟄蟲咸俯。冬三月十八候。水始冰。地始凍。雉入大水為蜃。虹藏不見。冰益壯。地始坼。二句一候鶡旦不鳴。虎始交。芸始生。荔挺出。蚯蚓結。麋角解。水泉動。雁北鄉。鵲始巢。雉雊。雞乳。征鳥厲疾。冰方盛。水澤腹堅。二句一候蓋上候於風雷電虹之變。下候於水泉冰解之殊。中候於草木鳥獸蟲魚之應。故謂之候。若孟春之草木萌動。季春之土潤溽暑。大雨時行。孟秋之天地始肅。孟冬之天氣上騰。地氣下降。閉塞而成冬。非紀候語也。又天地之氣。陰陽互根。有前候之氣未畢。而後候之氣已動者。故月令四仲月紀候之語多。孟季月紀候之語少。不必截然分一月為六候也。今撰僞書者。但據月令為粉本。而復泥於一氣三候。於是於紀候之多者。則遺之。如始雨水。麥秋至。木莖榮。芸始生是也。於紀候之

少者則別採以足之。如草木萌動。土潤溽暑。大雨時行。天地始肅。禾乃登。天氣上騰。地氣下降。閉塞而成冬是也。其尤謬者。小暑節則六月。候則五月。而以爲四月中。小滿之候。天氣上騰。三語義無先後。而分二候。且於孟春。仍未據天氣下降。地氣上騰爲候。自相牴牾。其爲僞書信矣。然自後魏始載七十二候於歷書。歷代因之。蓋時訓解雖僞。而月令乃呂不韋所修。其來有自。固不可廢也。

又案三代以上。驚蟄在雨水前。至漢始先雨水。後驚蟄。及考太玄經後附太初歷法。諷訾初立春。中驚蟄。注云。今日雨水。降婁。初雨水。注云。今日驚蟄。中春分。知太初歷猶先驚蟄。後雨水。故邢昺謂始於劉歆三統歷也。至顧氏炎武。又據蔡邕月令問答。謂三統歷未嘗改。雨水在驚蟄之先。改之者四分歷耳。然淮南之書。作於未有太初歷之先。不知何以先雨水。後驚蟄。豈漢初已然。至武帝時造太初歷。復改從古耶。穀雨古在清明前。至新舊唐書。始先清明。後穀雨。

攝提格之歲。早水。晚早。稻疾。蠶不登。麥昌。民食四升。單閼之歲。歲和。菽稻麥蠶昌。民食五升。執徐之歲。早早。晚水。小饑。蠶閉。麥熟。民食三升。大荒落之歲。蠶小登。麥昌。菽疾。民食二升。敦牂之歲。大旱。蠶登。稻疾。菽麥昌。禾不爲。民食二升。協洽之歲。蠶登。稻昌。菽麥不爲。民食三升。涒灘之歲。歲和小。雨行。蠶登。菽麥昌。民食三升。作鄂之歲。蠶不登。菽麥不爲。禾蟲。民食五升。掩茂之歲。小饑。蠶不登。麥不爲。菽昌。民食七升。大淵獻之歲。大饑。蠶開。菽麥不爲。禾蟲。民食三升。困敦之歲。大霧起。大水出。蠶稻麥昌。民食三升。赤奮若之歲。早水。蠶不出。稻疾。菽不爲。麥昌。民食一升。淮南子天文訓。

太陰三歲處金則穰。三歲處水則毀。三歲處木則康。三歲處火則旱。淮南子。

案史記亦云。太歲所在。金穰。水毀。木饑。火旱。

三歲而一饑。六歲而一衰。十二歲而一康。淮南子。

六歲一穰。六歲一康。十二歲一饑。越絕書。

歲在申酉。乞漿得酒。歲在辰巳。嫁妻賣子。太平御覽引袁子正書。

穀熟曰年。據說文。年謂之稔。左傳注。

案郭璞爾雅注。亦曰。年取禾一熟也。釋名。年進也。進而前也。白虎通。年仍也。義與諸書異。

穀足謂之成年。據逸周書。

麥熟謂之麥秋。

案釋名。秋就也。言萬物就成也。蔡邕月令章句曰。百穀各以其初生爲春。熟爲秋。故麥以孟夏爲秋。

管子。歲有四秋。農事且作。請以什伍農夫賦耜鐵。此謂春之秋。大夏且至。絲纈之所作。此謂夏之秋。

大秋成。五穀之所會。此謂秋之秋。大冬營室中女事紡績緝縷之所作。此謂冬之秋。亦其義也。

三登曰太平。漢書。

春之德風。風不信。其華不盛。夏之德暑。暑不信。其土不肥。秋之德雨。雨不信。其穀不堅。冬之德寒。寒不

信。其地不剛。呂氏春秋。

仲春始出。仲秋始內。季春大出。季秋大內。淮南子。

案注出二月播殖也。內八月收斂也。

一穀不升謂之嗛。二穀不升謂之饑。三穀不升謂之饑。四穀不升謂之康。五穀不升謂之大侵。穀梁傳。

案饑饉義與爾雅異。韓詩外傳。嗛作饑。康作荒。侵作祲。博雅。嗛作歉。康作歉。墨子。一饑。二旱。三凶。四饑。五饑饉。

穀不足謂之儉。據逸周書。

恆陽大旱也不傷二穀。謂之不雨。漢書五行志。

案陽尚書作暘。此劉向說春秋書法也。

荒旱也。漢書五行志。

禾生於棗或楊。大麥生於杏。小麥生於桃。稻生於柳或楊。黍生於榆。大豆生於槐。小豆生於李。麻生於

楊或荊。雜陰陽書。

案師曠占術曰。五木者。五穀之先也。欲知五穀。但視五木。擇其木盛者。來年多。種之萬不失一。

禾生於寅。壯於丁午。長於丙。老於戌。死於申。惡於壬癸。忌於丁丑。黍生於巳。壯於酉。長於戌。老於亥。死於丑。惡於丙午。忌於丑寅卯。稷忌於未寅。豆生於申。壯於子。長於壬。老於丑。死於寅。惡於甲乙。忌於卯午。丙丁。麥生於亥。壯於卯。長於辰。老於巳。死於午。惡於戌。忌於子丑。齊民要術。

案太平御覽引汜勝之書曰小豆忌卯稻麻忌辰禾忌丑秫忌未小麥忌戌大麥忌子與此略同
木勝土土勝水水勝火火勝金金勝木故禾春生秋死菽夏生冬死麥秋生夏死蕎冬生仲夏死淮南子

歲欲豐甘草先生蕎也歲欲饑苦草先生葶靡也歲欲惡惡草先生水藻也歲欲旱旱草先生蒺藜也
歲欲溜溜草先生蓬也歲欲病病草先生艾也太平御覽引師曠占孟月占之據農政全書

案農政全書用此文多藕先生歲欲雨不知何本

海燕自來衆燕隨之穀不登太平御覽引京房易妖占

正月修農具糞地耕地嫁樹燒苜蓿苗燒荒葺園廬壟瓜田修種諸果子栽榆柳織箔二月種麻粟豆
黍稷茶蔬瓜瓠椒秧芋祭社造布開荒修蠶室栽接桑果浸稻種修溝渠池塘築牆三月種稻芝麻薑
藍木棉紅豆綠豆栽芋理蠶具育蠶收榆子藏鹽蠶栽苕帚浣冬衣犁秧田四月種夏菜秧早稻收葱
子繅絲收蠶種擘綿牧牛伐木斫竹擘子薑耘瓜壅芋修木具移茄包梨五月收麥和花和字疑譌種甚
秋瓜栽藍秧晚稻移竹斫芋收艾具薑收諸菜子六月種赤豆綠豆蘿蔔斫麻漚麻壅薑耕麥地鋤桑
薊稻合醬造醋臘小麥七月種蕎麥秧菜菜疑蒿字之譌伐竹木蟠芋造藍地轉麥地刈早稻粟務機杼
暴衣物噉乾桃茄瓠淹瓜分薤刈草作澱八月種大小麥豌豆紅花蒜薤葱韭祭社剝棗斫芋夜織理
絮練帛搗衣刈豆莢收落葉九月耕麻地種油菜刈大豆選五穀子收芝麻粟茶子授衣糟薑藏藥採

菊築場圃修寶簪。原本脫簪字。十月塞困倉。緝布織屨。收稻稈。亭子壅。苧蜡祭。泥牛屋。葺密室。栽桑果。夜作縱牛牧豕。藏諸果。穀諸穀。種薑種。煮膠收炭。十一月備柴炭。刈茅葦飼牛。造餲糖。糞蔬菜。韭黃。剝麻皮伐材木。捕野物。做酒藥。接雜木夾色籬。會芙蓉條。鋤油菜。十二月浴蠶種。鑿冰收雪。造車縛苕蒂。剝桑治園圃。炙瓜田造脯釀酒。造屠蘇積糞貯蠶草。刈棘造農具。舂米浸燈心壓果木添桑泥。墩牡丹土。合騰藥。農政全書授時圖參雜事。

案農政全書元日以刀斧班駁。敲打樹身。則結實。謂之嫁樹。又曰。騙諸色樹木。注騙與嫁同。羣芳譜嫁李法。正月一日或十五日。以磚石著李樹歧中。令實繁。又騰月中。以杖微打樹歧間。正月晦日復打可令足子。又以煮寒食醴酪火橋著樹間。亦良。文昌雜錄李冠卿家有杏多花不實。適一媒姥見之笑曰。來春與嫁此杏。冬深忽攜一樽酒來。云是婚家撞門酒。索處子紅裙繫樹上。奠酒辭祝再三而去。明年結子無數。蓋取女子嫁則有子之義。正字通騙割去勢也。月令廣義以接樹爲騙樹。蓋取割義。亦欲其多子也。禮祭法大夫以下成羣立社曰置社。月令擇元日命民社。民間亦得祭社。三代已然。凡祭社而稷必從之。月令止言命民社。方氏懋謂舉重以見輕是也。社神句龍。稷神自夏以上祀柱。自商以來祀弃。漢書郊祀志湯放桀。欲遷夏社不可。乃遷烈山子柱。而以周弃代爲稷。應劭謂大旱七年。明德以薦。而旱不止。故遷柱以弃代爲稷。欲遷句龍。德莫能繼。故作夏社說不可遷之義也。通鑑前編成湯二十四祀祀弃爲稷。竊疑句龍周弃生爲上公。沒爲明神。至以委巷小民將事於豚蹄孟酒間。褻矣。鄭氏據孝經說曰。社者土地之神。

稷者能生五穀之神。邱光庭兼明書曰：社者所在土地之名也。又曰：方丘之祭，祭大地之神。社之所祭，邦國鄉原之土神也。倬謂如後世城隍神之類是已。又周禮：州祭社，黨祭禴，族祭醴，今世之社禮兼禴醴。明史禮志：凡各處鄉村人民，每里一百戶內立壇一所，祀五土五穀之神，專爲祈禱雨暘時若。五穀豐登，每歲一戶輪當會首，常川潔淨壇場，遇春秋二祭，預期率辦祭物，至日約聚祭祀。其祭用一羊二豕，酒果香燭隨用。祭畢，就行會飲，會中先令一人讀抑強扶弱之誓，誓文節誓詞畢，長幼以次就坐，盡歡而退。務在恭敬明神和睦鄉里，以厚風俗。案此則於祈報之時，已寓讀法講約之意。里社之禮之至善者。岳陽風土記：五月十三日，謂之龍生日，可種竹，所謂竹醉日也。齊民要術：又謂之竹迷日。羣芳譜：五六月間，舊筍已成，新根未行，此時可移竹。農政全書：七月七日，曬暴革裘無蟲。案四民月令：七月七日，曬經書。下子楊園苑疏：太液池西有武帝曝衣閣，常至七月七日，宮女出登樓，初學記引竹林七賢論曰：俗七月七日，法當曬衣。諸阮庭中爛然，莫非綈錦。世說：郝隆七月七日，見鄰人皆曝曬衣物，隆乃仰臥出腹，云：曬書。知此俗相沿久矣。截古文襲字，截諸穀種薑種，意蓋謂重裹藏其種也。韓保昇曰：飴，軟糖也。北人謂之飴，糯米粳米秫粟米蜀秫米大麻子枳椇子黃精白朮，並堪熬造。本草綱目：李時珍曰：飴，餚用麥蘖或穀芽同諸米熬煎而成。廣韻：屠蘇酒，元日飲之，可除瘟氣。韓鄂歲華紀麗：屠蘇草庵之名。昔有人居此，每除夜遺閭里藥一劑，令井中浸之，元日取水置酒焉，合家飲之不病瘟，今人因名屠蘇。